

8

Auszug eines Schreibens:

So ein Adelspersonne

unter der Nachfolge des Herzogen von
Montpensier an einen seinen Freund
gethan hat.



Inhaltende:

Ein kurke Erzelung von der Niderlage der zusammen geschworenen / vnd der Gottier / Welche durch den Graffen von Brissac / Peter Court / vnd andere Rebellschen gefahrt / vnd von dem Herzogen von Montpensier erlegt worden / den 22. Aprilis /
Anno 1589.



Aus dem Frankofischen in unsrer hoch Deutschen Sprach
treulich ubergesetzt.

En vierden Aprilis ist der Herzog von Montpensier von Alençon wegk gescheiden/nach dem er allda die sachen/ so sich wegen der Wohheit der Feinden etwas verbösert hatten/wider zurechs gebracht/vn auff die Statt Ses zugezogen/da jme dañ die thor also bald geöffnet seind worden: vnd als er sich da mit dem Bischoff vnd den Fürnemsten der Statt besprachet hatte/ befand er / wie sichs anschien ließ/ daß daselbst alles gnugsamlichen dem Könige zu dienst bereit vnd verordnet were. Von dannen ist er fortgerückt/ vnd sein Nachtläger zu Ecouchey geschlagen/inn welchem Flecken Er mit vil Ehrebitung entpfangen worden. Gen Argentan ist er nicht kommten/ denn er gewarnet ward/ daß sie es mit den zusammen geschwornen hielten.

Morgens/ welches war der fünfte/ ißter von Ecouchey weggezogen/ sein Nachtläger zu Caen zunemmen: Under des et aber hinzoge/ begleitet von den Herren von Halot vnd Creuccoeur seinem Bruder/ welche ihm bis gen Ses entgegen kommen waren (denn er hatte schon zuvor die Herrn von Bas queuille vnd Larchen bey sich/ welche dem Könige trewlich bey gestanden vnd gedienet haben) traffe er die Besatzung von Faloize an/ welche er erlegt/ vnd nam den Hauptman Touchet/ mit sampt zweyen andern/ deren der eine Hercules/ der ander Nomendiere genennet/ gefänglich an/ die vbrigien wurden erschlagen vnd zerstreuet: Obgedachter Touchet hatte bey sich sunfzig Lanzen/ vnd achzig oder hundert Hockenschüßen zu Pferde. Das Volk zu Caen erzeigte sich mit allem ernst vnd fleiß dem Könige zu dienst geneige. Als obgedachter Herzog von Montpensier etliche Tag zu Caen verharret/ vnd gesehen/ daß sich das Feuer je mehr vnd mehr enkündet/hat er es für notwendig geacht/etliche Aufrührische Stätte einzunemmen/ als da seind Faloize/ Bayeux/ Argentan/ Lisieux vnd andre meh.

A. ii



Derowegen nah er zwey grosse Stück Büchsen/vnd eine Feldschlange/vnd mit dem Landsadel vnd eilichem Fußvolck zog er hin Faloise zu belägern/da er dann Montags den achthechenden dieses Monats ankommen/Zinstags als er den Och da obgemeldes Geschütz gestellt war/ etwas unkömlich zu sein befande/ward es an ein ander Och verrückt.

Morgens/ welches war Mittwochen/ ward der Och beschossen/vnd auff den Abend/ als man zwey Thüren geöffnet hat man dahin wollen Kriegsknechte legen/morgen Tages zu dem Sturm/den man zwischen solchen zwey Thüren anzu lauffen willens war/zuhelfen. Wie sich aber die Knechte/welchen gebotted war dahin zu versügen/ zu der fart fertig machen/fundten die vbrigien zwey Fäullein/ welche allein bestellt waren die andern auffzuhalten/ keins wegs abgehalten werden/dass sie nicht auch mitzügen/ ohngewartet/dass sie dazu erkant würden. Als der Adel solches dieser zweyer Fäulnir fürhaben vermerkt/ folgten sie ihnen nach/ wie harte es ihnen auch verbotted worden/also/dass sie alle bis an die Mawren stiessen. Dieweil aber nicht gelegenheit da war/in obgedachte zwey Thüre sich zulerum abzuziehen/ mit verlust vier oder fünff Knechten.

Inn dem man nuhn ratschlag mit dem schiessen fortzufasren/vnd die Mawren zum Sturm zu öffnen/ kame dieselbige Nacht dem Herzogen von Montpensier gewisse Kundschafft/ wie der Graff zu Brissac Peter Court/Louchan/der Freyherr von Eschauffour/der von Tubeuf/der Herr von Roquonual/Beaulieu/vnd vii mehr andere Obersten der Rebellischen/ sich vmb Aiglen/ Argentan/vnd andern orthen dieser Landschafft/ sich mit grosser anzahl so wol Reuter als Fußvolck versammelten/vnd willens waren sie von der Belägerung abzutreiben: Darumb er sich denn/ inn erwegung das/angesehen ijr grosse Macht an Fußvolck/ wo sie ijr vor Faloise warten solten sie etwan

etwan möchten gezwungen werden von der Belägerung abzulassen/ auf rath vnd gutdunken des Adels vnd Hauptleuten so er bey sich gehabt/entschlossen/ solche entschließung anzugreissen/ welches dann auch morgens beschehen/ vnd glücklichen abgangen ist. Denn als er in dreyen Dorffern bisz inn die sechs tausent ir in geldigert standen/ vnder welchen bis in die dreyhundert vom Adel gewesen/ mit sammt eilichen Geistlichen personen/ hat er dieselbigen durch den Herrn von Emery besichtigen lassen/ vnd als bald die Graffen von Lorigny/ Longuaunay vnd von Bigues den altern sich zwischen gemeldete Dorffere vnd Argentan zulägern geschickt/ bey welchen die Herrn von Baqueville vnd Larchan auff einer/vnd der Herr von Beueron auff der andern sitten gehalten: Der Herzog von Montpensier aber zoge strack auff sie zu/welche sich wol eine zeitlang zur Wehr stellten/ als sie aber das brausen einer Feldschlange/welche man dahin gebrachte/ gehört/ haben sie gleich angefangen zuwanken: vnd hat man solcher massen an sie gesetzt/ dass alle die im ersten Dorff/ welches Pierrefitte genent/ zerrennet/ erschlagen vnd gefangen genommen worden seind. Von daß begabe man sich gegen dem andern Dorff/ Billers genant/ das ward auch überweltig/vnd die darinnen gleich den vorigen gehalten.

Da sie aber geschen/dass die Nacht also nahe war/vnd dorwegen zweiffelten/ ob sie noch desselbigen Tages das dritte Dorff/ so Commeaur genenret/ dahin sich tausent oder zwölffhundert von den Feinden begeben hattent/ bestürmen/ da ließ sie der von Montpensier anlangen sich zu ergeben: als er aber gesehen das sie zulangsam antwort gaben/ ließ er ihnen ihre Bestunde anlauffen/ darüber einer auf ihren Hauptleuten Beaulieu genent/ welcher sich darauf begaben hatte/ gefangen worden/ welchen als man hinweg gefürt hatte/ ergaben sich die vbrigien. Das Nachtlager schlug er zu Ecouche/ dahin brachte man ihme morgens alle gefangenen/von denen ließ er allda vierhundert/ welche daselbst am Statgraben arbeiten.

Als der von Brissac vnd etliche Reutter so er bey sich gehabt/vnser gewar worden/haben sie sich auff die flucht begeben/vnd nach Argenton gezogen. Dreytausent seind erschlagen worden/vnder welchen vil Adelspersonen gewesen: bis inn die zwölffhundert gefangen/vnder welchen etwa dreyssig vom Adel/vnd zwar der Fürnembsten/als der Frenherz von Tubcuff/Beaulieu/vnd andere/welcher Namen ich noch nicht wissen mögen.

Vnd dis ist in kurze summa/ was sich bey vns hie disseit zugetragen hat/seye den vierdten Tag Aprillens bis auff den drey vnd zwenzigsten/da der Herzog von Montpensier

wider gen Caen kommen ist/sich in Königlicher

May; dienstn nach ferner zu
gebrauchen.

